

AI lectur

Autor(en): **[s.n.]**

Objektyp: **Preface**

Zeitschrift: **Igl Ischi : organ della Romania (Societat de Students Romontschs)**

Band (Jahr): **31 (1945)**

PDF erstellt am: **28.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Al lectur

Esser successur dils quater enconuscents e meriteivels redacturs digl Ischi, ei nuota lev. *) Perquei vi jeu pli bugen em-permetter nuot, mo tuttina sespruar de far quei ch' jeu sai pigl Ischi e la Romania, culla speronza ch' ei mondi buca ditg e nus survegnien in niev, dign successur dils meriteivels menaders della Romania.

Tgi che ha legiu e studegiau las 30 annadas digl Ischi, ha saviu far persenn, che scadin dils quater redacturs ha dau ina certa tempra personala allas annadas comparidas sut sia direcziun. Quei ei daventau senza sviar dalla lingia principiala e culturala de nies organ scientific, ch' ei adina staus fideivels als ideals ed alla nobla finamira de sia ludeivla entschatta. Era jeu vi far il miu per tener il carr sin quella via. Mo da l' autra vart vegnel era jeu a dar sapientivamein mia tempra allas eventualas annadas, ch' jeu hai l' honor d' edir.

Duront ses emprems 50 onns ha la Romania cultivau cun premura ina partida interessants facturs de nossa cultura romontscha. Mo ins emblidi buca, ch' ei dat aunc auters pastgs entirs sil territori de nossa historia litterara e culturala. Quels lein nus taccar cun gust e curascha.

Il pli grond tschaffen hai jeu de tractar en ina partida studis e scrutaziuns **l' historia della cunterreforma**, ni meglier detg: **della restauraziun catolica** de nossa tiara romontscha; principalmeyn studis e lavurs davart la cultura e litteratura dil temps baroc, ch' ei senza dubi staus il pli fritgeivel e glorius de nossa viva ed activa Part sura.

Per realisar quella finamira, drovel jeu bratsch ed agid de nos preziai collaboraturs, da giuvens e vegls. Sin quel spe-rel jeu ferm e giavischel che buc in disdeschi! — Secapescha, ch' era la part belletristica digl Ischi vegn ad obtener siu plaz d' honor, sco igl ei adina stau il cass entochen uss.

Engraziand cordialmeyn per tut quei ch' ei vegniu fatg entochen ussa pigl Ischi, recamondel jeu quel vinavon alla beinvu-glientscha digl entir pievel romontsch.

La redacziun

Cuera, igl 1 de fevrer 1945

* La redacziun digl Ischi duront ils davos 50 onns sereparta sco suonda: Dr. C. Decurtins, las annadas I—VIII, 1897—1906; prof. Dr. P. Tuor IX—XX, 1907—1926; Dr. R. Vieli XXI—XXV, 1928—1936; mistral G. Demont las annadas XXVI—XXVII, 1938—1940; e puspei Dr. R. Vieli XXVIII—XXX, 1941—1944.